



NOGOMETNI SAVEZ FEDERACIJE BOSNE I HERCEGOVINE

PROPOZICIJE
takmičenja Prve ženske lige Federacije BiH
za takmičarsku sezonu 2025/2026

juli/srpanj 2025.

Broj: 1539/25
Sarajevo: 07.07.2025.

Izvršni odbor Nogometnog saveza Federacije BiH Na osnovu člana 32. Statuta NS Federacije BiH, na 4. sjednici održanoj 07.07.2025. godine u Sarajevu, donio je s l j e d e ć u:

PROPOZICIJE
takmičenja Prve ženske lige Federacije BiH
za takmičarsku sezonu 2025/2026

I - OPĆE ODREDBE

Član 1.

- 1.01. Ovim Propozicijama utvrđuje se način organiziranja i provođenja takmičenja u Prvoj ženskoj ligi Federacije BiH u takmičarskoj 2025/2026 godini.

II - UČESNICI TAKMIČENJA

Član 2.

- 2.01. U takmičenju za prvenstvo Prve ženske lige Federacije Bosne i Hercegovine za takmičarsku 2025/2026 godinu sudjeluju klubovi sa prostora Federacije BiH na osnovu dostavljenih prijava za takmičenje.

III – RUKOVOĐENJE TAKMIČENJEM

Član 3.

- 3.01. Takmičenjem Prve ženske lige Federacije BiH rukovodi Izvršni odbor NS FBiH putem Komisije za takmičenje NS FBiH i ostalih komisija Izvršnog odbora i pravnih tijela NS FBiH.

Član 4.

- 4.01. Organi nadležni za provođenje takmičenja Prve ženske lige Federacije BiH su:
- a) Komisija za takmičenje NS FBiH/ – rukovodi takmičenjem, registruje utakmice, donosi prvostepene odluke, rješava žalbe u prvom stepenu, rješava sva pitanja iz takmičarskog dijela, određuje delegate za utakmice, vrši analizu obavljanja delegatske dužnosti i drugo;
 - b) Komisija za suce i suđenje NS FBiH – rješava žalbe na suđenje, vrši analizu suđenja i rada posmatrača suđenja, određuje suce i posmatrače suđenja na utakmice i drugo;
 - c) Komisija za bezbjednost NS FBiH – vrši kontrolu bezbjednosti na utakmicama Prve ženske lige FBiH, predlaže utakmice visokog rizika, predlaže mjere sprječavanja negativnih pojava na stadionima i drugo;
 - d) Disciplinska komisija NS FBiH – donosi prvostepene disciplinske odluke;
 - e) Apelaciona komisija NS FBiH – drugostepeni organ koji donosi odluke po žalbama na prvostepene odluke iz takmičarskog i disciplinskog dijela;
 - f) Druge komisije Izvršnog odbora NS FBiH.
- 4.02. Ostale nadležnosti i zadaci komisija i pravnih tijela NS Federacije BiH propisani su Pravilnikom o radu Komisija Izvršnog odbora, pravnih tijela i takmičarskih organa NS FBiH i odlukama Izvršnog odbora NS FBiH i NS/FS BiH.

IV - USLOVI ZA UČESTVOVANJE U TAKMIČENJU

Član 5.

5.01 Za sudjelovanje u takmičenju Prve ženske lige Federacije BiH, pored ostalih, klubovi moraju ispunjavati slijedeće uslove:

5.02. IGRALIŠTA:

- a. Da posjeduju odgovarajuće igralište sa kvalitetnom travnatom podlogom za igru, sa prirodnom podlogom ili umjetnom podlogom, dimenzija 90-110 metara dužine i 60-75 metara širine. Teren mora biti zatravljen cijelom površinom i potpuno ravan da bi se omogućilo normalno kretanje.
- a. Izuzetno, organ koji rukovodi takmičenjem može donijeti privremenu odluku o prijemu terena za igru za određeni vremenski period sa manjim dimenzijama od naznačenih u prethodnoj tački i to u slučajevima kada stadion ispunjava ostale uslove iz Propozicija takmičenja, a trenutno ne postoji objektivna mogućnost za proširenje terena za igru.
- c. Igralište mora posjedovati zaštitne kabine odgovarajućeg kvaliteta za rezervne igrače i stručno vodstvo ekipa za najmanje 13 osoba (13 fiksiranih sjedalica) kao i odvojenu kabinu za delegata utakmice, a sve zaštićeno od kiše i vjetra. Kabine se postavljaju na uzdužnoj strani igrališta, propisno udaljene od terena za igru, odnosno uzdužne linije (dva do tri metra).
- d. Na stadionu moraju postojati svlačionice za obje ekipe i posebna svlačionica za suce. Sve svlačionice trebaju imati mokre čvorove- kupatila sa toplom vodom. Svaka svlačionica (sudijska posebno) treba imati zaseban WC.
- e. Izlazak na teren i povratak igračica u svlačionicu, stručnih rukovodstava ekipa, delegata i sudaca, mora biti osiguran i odvojen od gledatelja. Prolaz od svlačionica do terena za igru mora biti fizički odvojen od gledatelja.
- f. Na stadionu treba biti posebna prostorija za sastavljanje zapisnika. Na stadionima klubova i za utakmice Prve ženske lige FBiH u službenom prostoru za zapisnik, klub domaćin treba da obezbijedi:
 - ispravan kompjuter sa štampačem,
 - ispravnu internet konekciju za potrebe COMET informacionog sistema,Neispunjavanje uslova ove tačke sa sobom povlači disciplinske sankcije.
- h. Uz teren ili na tribinama, za snimatelja utakmice mora biti izrađeno uzvišeno i potpuno zaštićeno od vremenskih neprilika i publike mjesto minimalne visine tri (3) metra, na poziciji središnje crte igrališta kako bi se mogao pokriti cijeli teren za snimanje.
- i. Klubovi koji ne ispunjavaju uslove iz ovog člana, pod „igralište“ ovih Propozicija, mogu u cilju provođenja takmičenja uzeti pod zakup igralište nekog drugog kluba ili vlasnika potpisivanjem sporazuma o korištenju igrališta, s tim da isto ispunjava uslove iz člana 5.02. pod „igralište“ ovih Propozicija.
- j. Izuzetno, Izvršni odbor Nogometnog saveza Federacije BiH može donijeti odluku privremenog karaktera za igralište koje djelimično ne ispunjava uslove iz ovog člana.

V - ORGANIZACIJA TAKMIČENJA

Član 6.

6.01. Prvenstvena takmičenja provode se po trostrukom bod-sistemu i vremenski utvrđenom kalendaru, sa dvije takmičarske polusezone, jesen i proljeće.

U prvom dijelu takmičenje se odvija dvokružno, a igrat će se 10 kola (5 + 5 = 10) – domaćin gost, a raspored utakmica se određuje žrijebom takmičarskih brojeva uz primjenu Bergerove tablice.

U drugom dijelu takmičenje se odvija jednokružno, a igra se pet kola. Klubovi dobivaju takmičarske brojeve na osnovu plasmana nakon prvog dijela (10 kola) i to: prvoplasirani broj 1, drugoplasirani broj 2, trećeplasirani broj 3, četvrtoplasirani broj 6, petoplasirani broj 5 i šestoplasirani broj 4.

- 6.02. Kalendar i raspored takmičenja, na prijedlog Komisije za takmičenje NS FBiH, usvaja IO NS FBiH, najkasnije 30 (trideset) dana prije početka jesenjeg, odnosno proljetnog dijela prvenstva, a taj rok može biti pomjeren za 15 dana.
- 6.03. Raspored odigravanja prvenstvenih utakmica prvog dijela određuje se prije početka takmičarske godine žrijebom uz mogućnost primjene poludirigovanog načina žrijebanja samo za klubove iz istog mjesta gdje igraju svoje prvenstvene utakmice kao domaćini, s tim da ako su zainteresovani mogu podnijeti pismeni zahtjev Komisiji za takmičenje NS FBiH da im se omogući razdvajanje odigravanja prvenstvenih utakmica kao domaćina u odnosu na klub iz istog mjesta, i to najkasnije pet dana od određenog datuma provođenja žrijeba za raspored takmičenja za takmičarsku godinu.
- 6.04. Odluku o izmjenama kalendara takmičenja, u slučaju proglašenja vanrednog stanja ili stanja nesreće od strane nadležnih organa BiH ili FBiH, donosi Komisija za takmičenje NS FBiH.
- 6.05. Konačnu odluku o svim zahtjevima kao i modalitetu žrijebanja takmičarskih parova donosi Komisija za takmičenje NS FBiH, s tim da se mora voditi računa da se ne narušava interes i pravo ostalih klubova učesnika takmičenja. Odluka Komisije za takmičenje NS FBiH je konačna.
- 6.06. Komisija za takmičenje NS FBiH može odobriti da žrijebanje takmičarskih parova umjesto predstavnika klubova vrši neka istaknuta nogometna osoba.
- 6.07. Raspored utakmica za prvenstvo Prve ženske lige FBiH određuje se žrijebom takmičarskih brojeva klubova sudionika i primjenom „Bergerove tablice“.
- 6.08. Sve utakmice igraju se u pravilu subotom/nedjeljom, prema satnici koju odredi klub domaćin pri tom vodeći računa o udaljenosti dolaska i odlaska protivničkog kluba.
- 6.09. Klub domaćin obavezan je najkasnije do srijede do 14:00 sati izvršiti najavu utakmice te o tome obavijestiti protivnički klub. U slučaju nenajavljene utakmice, Komisija za takmičenje NS FBiH će utakmicu zakazati prema usvojenom kalendaru takmičenja, a protiv kluba podnijeti prijavu za pokretanje disciplinskog postupka.
- 6.10. Takmičenje Prve ženske lige Federacije BiH se administrativno provodi kroz COMET informacijski sistem.

Član 7.

- 7.01. Posljednje kolo u takmičenju Prve ženske lige Federacije BiH može se igrati isti dan i u isto vrijeme, u skladu sa kalendarom takmičenja. Izuzetno, ukoliko određena utakmica nema rezultatski značaj, te ishod iste ne utiče bitno na poredak na tabeli, Komisija za takmičenje NS FBiH može odobriti igranje iste u drugom terminu.
- 7.02. Utakmice se igraju u trajanju 2x45 minuta.
- 7.03. Odmor između dva dijela igre traje minimalno 10, a maksimalno 15 minuta.

Član 8.

- 8.01. Nakon obavljenog žrijeba za raspored takmičenja za prvenstvo Prve ženske lige Federacije BiH, klubovi učesnici takmičenja su obavezni u roku od 8 (osam) dana dostaviti u pismenoj formi Sekretarijatu za takmičenje NS FBiH slijedeće informacije:

- a. mjesto u kojem će kao domaćin igrati svoje prvenstvene utakmice
- b. naziv stadiona (stalni i zamjenski)
- c. vrijeme odigravanja utakmica (subota-nedjelja)
- d. boju sportske opreme (majica, šorc, štucne) u kojoj će nastupati klub, kao i rezervnu boju sportske opreme
- e. spisak registrovanih igračica, kao i službenih zvaničnika kluba koji će obavljati dužnosti na prvenstvenim utakmicama

VI - PROMJENA TERMINA ODIGRAVANJA UTAKMICA

Član 9.

- 9.01. Promjena termina odigravanja utakmice može se vršiti isključivo na osnovu podnesenog pismenog zahtjeva zainteresovanog kluba Komisiji za takmičenje NS FBiH, najkasnije 8 (osam) dana prije rasporedom utvrđenog termina odigravanja utakmice, a koji u sebi sadrži razlog zbog kojeg se traži promjena termina s priloženom dokumentacijom, iz koje se nesumnjivo može utvrditi opravdanost podnesenog zahtjeva.
Pored navedenih razloga klub može dati i eventualni prijedlog novog termina, koji treba, ukoliko je moguće, biti usaglašen sa protivničkim klubom.
- 9.02. U slučaju kada zahtjev za promjenu termina nije podnesen shodno odredbi 09.01. ovog člana, ili je podnesen od strane gostujuće ekipe, kao i kada se za termin utakmice predlaže radni dan, podnosilac zahtjeva obavezan je dostaviti uz obrazloženje i pismenu saglasnost drugog kluba (protivnika) utakmice, za koju se traži promjena termina.
- 9.03. Zahtjev za promjenu termina utakmice je moguće dostaviti najkasnije tri dana prije termina utvrđenog za odigravanje utakmice.
- 9.04. Odluku o zahtjevu kluba za promjenu termina utakmice iz odredbi 9.01. i 9.02. ovog člana donosi Komisija za takmičenje NS FBiH, s tim da se kod donošenja odluke moraju imati u vidu odredbe člana 16. Pravilnika o nogometnim takmičenjima NS/FS BiH.
- 9.05. Odluka Komisije za takmičenje NS FBiH o podnesenom pismenom zahtjevu za promjenu termina odigravanja utakmice je konačna i ona se dostavlja zainteresiranim klubovima i ostalim učesnicima takmičenja.
- 9.06. Izuzetno, Komisija za takmičenje NS FBiH u slučaju ukazane potrebe ili više sile, može i u roku kraćem od tri dana donijeti odluku o promjeni termina utakmica.
- 9.07. Komisija za takmičenje NS FBiH, shodno ukazanoj potrebi može i u drugim slučajevima donijeti odluku o promjeni termina utakmice.

VII - ODLAGANJE UTAKMICE

Član 10.

- 10.01. Ako se odlukom nadležnog državnog organa (Vijeće ministara BiH, entitetske vlade ili lokalni organi uprave) proglasi Dan žalosti na području gdje se prema rasporedu takmičenja tog dana igraju utakmice Prve ženske lige Federacije BiH, Komisija za takmičenje može odrediti novi termin odigravanja utakmice, u skladu sa kalendarom takmičenja, pri tome vodeći računa da se obezbijedi regularnost takmičenja.
- 10.02. U slučaju kada zbog Dana žalosti nije izvršeno odlaganje utakmice, obaveza je klubova da prije početka utakmice na terenu za igru odaju počast minutom šutnje ili na drugi prikladan način prema nastradalim zbog čega je proglašen Dan žalosti.

- 10.03. U slučaju kada je Dan žalosti proglašen od strane Vijeća ministara BiH, klub domaćin je obavezan da obezbijedi da na jarbolima stadiona zastave budu spuštene na pola koplja ili jarbola, a igrači na terenu za igru na rukavu dresa mogu nositi obilježje crne trake kao znak žalosti.
- 10.04. Klub domaćin obavezan je da putem razglasa zamoli sve učesnike utakmice da se suzdrže od bilo kakvih postupaka suprotno pijetetu zbog kojeg je proglašen dan žalosti.

Član 11.

- 11.01. Ako se u toku trajanja utakmice, na osnovu javnog saopštenja od strane nadležnog organa iz prethodnog člana, proglasi Dan žalosti, utakmica se neće trajno prekinuti, ali je sudija utakmice dužan da u prvom privremenom prekidu igre zaustavi igru i zatraži od igračica na terenu da minutom šutnje izraze saučešće prema nastradalim ili umrlim osobama.

Član 12.

- 12.01. Kada nadležni organ policije sa područja na kojem se trebaju odigrati rasporedom takmičenja prvenstvene utakmice, obavijesti Komisiju za takmičenje NS FBiH pismenim putem, da bi odigravanje utakmice prema utvrđenim terminima moglo imati ozbiljnih posljedica po bezbjedonosnu situaciju učesnika utakmice, Komisija za takmičenje NS FBiH obavezna je uzeti u razmatranje pismeni zahtjev policijskog organa za odlaganje utakmice, te donijeti odluku u vezi sa odlaganjem utakmice, vodeći računa da se zadovolje kriteriji bezbjedonosnog-sigurnosnog aspekta i zaštite regularnosti takmičenja.
- 12.02. Odlaganje utakmice može trajati najduže do deset dana u odnosu na rasporedom utvrđeni termin. Odluka Komisije za takmičenje NS FBiH je konačna i obavezujuća za sve učesnike utakmice.

Član 13.

- 13.01. U slučaju proglašenja vanrednog stanja ili stanja nesreće od strane nadležnih organa BiH ili Federacije BiH, sve odluke vezane za takmičenje donosi Komisija za takmičenje NS FBiH odnosno Izvršni odbor Nogometnog saveza Federacije BiH u skladu sa Statutom Nogometnog saveza Federacije BiH i ostalim pravilnicima i odlukama.

VIII - ODAVANJE POČASTI MINUTOM ŠUTNJE I IZNOŠENJE TRANSPARENATA HUMANITARNOG SADRŽAJA NA UTAKMICAMA

Član 14.

- 14.01. Odavanje počasti (pijeteta) prema određenim kategorijama lica može se vršiti neposredno prije početka utakmice u objektu stadiona i to u slučajevima: iznenadne smrti (nesreće) igrača, sportskih radnika klubova i pripadnika navijačkih skupina, članova organa i tijela saveza, organa UEFA-e i FIFA-e, stradalih lica u elementarnim i drugim katastrofama, smrti državnih ili entitetskih istaknutih ličnosti, te ako je proglašen Dan žalosti.
- 14.02. Za svaku namjeru odavanja počasti minutom šutnje ili na drugi način, klubovi, organizacije i pojedinci moraju pismeno tražiti odobrenje od Komisije za takmičenje NS FBiH najkasnije 48 sati prije početka utakmice sa detaljnim obrazloženjem i protokolom aktivnosti.
- 14.03. O odluci Komisije za takmičenje NS FBiH podnosioci zahtjeva bit će upoznati najkasnije osam (8) sati prije početka utakmice, kao i sva službena lica utakmice (delegat, sudije utakmice), te klubovi.

- 14.04. U slučaju iznenadne smrti ili nesreće lica iz odredbe 14.01. ovog člana, odluku će donijeti delegat utakmice nakon konsultacija sa Sekretarijatom za takmičenje i predsjednikom Komisije za takmičenje NS FBiH.
- 14.05. Za slučajeve iznošenja (isticanja) transparenta čiji sadržaj ima humanitarni karakter: borba protiv rasizma, mržnje, nasilja na stadionima, nacionalizma, pomoći unesrećenim licima u elementarnim i drugim katastrofama, primjenjivat će se odredbe kao i za odavanje počasti.

IX - DUŽNOSTI KLUBOVA

Član 15.

- 15.01. Klub domaćin utakmice je obavezan pripremiti teren za igru, kao i sve ostale prostorije (svlačionice, kancelarije i sl.), da su čiste, zagrijane, sa toplom vodom, opremljene sa svim tehničkim pomagalicama najkasnije 60 (šezdeset) minuta prije određenog termina za početak utakmice.
- 15.02. Klub domaćin obavezan je osigurati najmanje tri (3) lopte, koje u svemu moraju odgovarati propisima Pravila nogometne igre. U slučaju da se utakmica igra po snijegu- odnosno da je teren pokriven snijegom, lopta mora biti crvene boje.
- 15.03. Utvrđivanje podobnosti terena za igru vrši sudija utakmice u prisustvu oba kapitena ekipa koje nastupaju na utakmici.
- 15.04. Odluku o podobnosti terena za odigravanje utakmice donosi isključivo sudija utakmice u skladu sa Pravilima nogometne igre.

Član 16.

- 16.01. Klubovi su obavezni doći na stadion na kome će se odigrati utakmica najkasnije 60 (šezdeset) minuta prije utvrđenog vremena za početak utakmice i nastupiti sa najboljim sastavom ekipa, te prisustvovati radnom sastanku (brifingu) kojim predsjedava delegat utakmice.

Član 17.

- 17.01. Klub domaćin obavezan je da delegatu utakmice stavi na raspolaganje ispravan računar sa priključkom na internet i printer. Klubovi su dužni da najkasnije 45 minuta prije početka utakmice, dostave delegatu na propisanom obrascu, spisak igračica i službenih lica koja će nastupati na utakmici. Sve osobe, igrači i službena lica sa dostavljenog propisanog obrasca za utakmicu, moraju biti licencirane/akreditovane od strane NS/FS BiH i NS FBiH i registrirane u COMET informacionom sistemu.
- 17.02. Spisak mora biti ovjeren i potpisan od zvaničnog predstavnika kluba. Spisak prijavljenih igračica mora sadržavati podatke igračica prijavljenih u COMET sistem. U slučaju da sistem COMET nije u funkciji vođenje zapisnika sa utakmice se radi ručno, a naknadno će delegat u sistemu COMET napraviti zapisnik.

Član 18.

- 18.01. Klub domaćin je obavezan na svim utakmicama postaviti na jarbole: državnu zastavu Bosne i Hercegovine, zastavu NS/FS BiH, a mogu se postaviti i zastava NS FBiH, Federacije BiH, klupske, zastave županija/kantona, te zastava fair playa. Istaknute zastave trebaju biti istih dimenzija, uredne i čiste.
- 18.02. Postavljanje drugih zastava nije dozvoljeno, a u slučaju njihovog postavljanja, klub će snositi disciplinske sankcije shodno Disciplinskom pravilniku NS/FS BiH.

Član 19.

- 19.01. Klub domaćin je obavezan da poduzme sve mjere i radnje u cilju zaštite: članova gostujuće ekipe, sudaca, delegata utakmice, gostujućih navijača (kod organiziranog dolaska), neposredno prije početka utakmice, u toku, između dva poluvremena i po završetku utakmice, a sve do napuštanja stadiona za odigravanje utakmice, kao i poduzeti sve mjere na stadionu za odigravanje utakmice i oko njega, predviđene ovim Propozicijama takmičenja, Pravilnikom o bezbjednosti na utakmicama saveznog stepena takmičenja NS/FS BiH, kao i ostalim pravilnicima, odlukama, propisima i uputstvima NS/FS BiH i NS FBiH.
- 19.02. Klub domaćin utakmice obavezan je obezbijediti najmanje četiri (4) pripadnika redarske službe, koji će se potpuno profesionalno starati za sigurnost svih aktera utakmice, pripadnike policije, liječnika i dežurno sanitetsko vozilo sa osobljem i nosilima ili adekvatno zamjensko vozilo, kao i najmanje četiri (4) propisno označenih sakupljača lopti adekvatnog uzrasta, ravnomjerno i pravilno raspoređenih oko terena za igru, kao i zadužiti posebno lice za njihov rad. U slučaju da na igralištu nema skupljača lopti, klub domaćin je obavezan obezbijediti šest lopti.
- 19.03. Klub domaćin obavezan je podnijeti pismenu prijavu i tražiti odobrenje za održavanje javnog skupa utakmice nadležnoj policijskoj upravi Ministarstva unutrašnjih poslova, na čijoj teritoriji se treba odigrati utakmica, navodeći sve relevantne podatke, a posebno: mjesto i naziv stadiona, vrsta utakmice, imena klubova, datum i vrijeme odigravanja utakmice, kao i procjenu mogućeg broja gledalaca, kako domaćih, tako i gostujućih, ako su najavljeni, te podatke o angažovanim ostalim službama, redarska, ljekarska, sa orijentacionim brojem lica, te druga neophodna saznanja u vezi sa organizacijom utakmice.
- 19.04. Pismeni zahtjev za odobrenje odigravanja utakmice podnosi se najkasnije 72 sata prije određenog termina za odigravanje utakmice ili u rokovima kojima je regulisano ovo pitanje nadležnih organa bezbjednosti u mjestu odigravanja utakmice.
- 19.05. Pismeno odobrenje/zahtjev za odigravanje utakmice klub domaćin obavezno dostavlja na uvid delegatu utakmice prije njenog početka, odnosno na brifingu.
- 19.06. Bez najave nadležnoj policijskoj upravi, dežurne ljekarske službe, sanitetskog vozila ili zamjenskog vozila i medicinskog osoblja utakmica se neće igrati. Odluku o neodigravanju utakmice donosi delegat utakmice i saopštava je sudiji utakmice i zvaničnim predstavnicima klubova, prije početka utakmice i sve to evidentira u izvještaju delegata utakmice i zapisniku sa utakmice. Klub domaćin obavezan se blagovremeno pobrinuti da na utakmicama Prve ženske lige FBiH budu prisutni pripadnici policije.
- 19.07. Klub domaćin za neispunjavanje ovih obaveza snosi takmičarske i disciplinske posljedice u skladu sa Pravilnikom o nogometnim takmičenjima NS/FS BiH i Disciplinskim pravilnikom NS/FS BiH.
- 19.08. Klubovi su odgovorni za ponašanje svojih igrača, službenih osoba, članova, navijača i svake druge osobe koja obavlja dužnost na utakmici u ime kluba.
- 19.09. Promocija, objava ili isticanje na bilo koji način, političkih poruka ili bilo koji drugi vid političkog djelovanja unutar ili u neposrednoj blizini stadiona nije dozvoljeno prije početka utakmice, tokom utakmice i po završetku utakmice.
- 19.10. Na stadionima Prve ženske lige FBiH nije dozvoljeno isticanje transparenata i obilježja neprimjerenog, uvredljivog i nepristojnog sadržaja što podliježe disciplinskoj odgovornosti.
- 19.11. Klubovi učesnici takmičenja dužni su ispoštovati eventualnu odluku nadležnog organa NS FBiH da se iz sigurnosnih razloga zabranjuje organizovani odlazak navijača na gostujuće utakmice njihovih klubova.
- 19.12. Na terenu za igru za vrijeme odigravanja utakmice zabranjen je bilo koji oblik reklamiranja.

- 19.13. Na mrežama, ugaonim zastavicama ili vratima ne može biti izvješten reklamni materijal ili pribor (npr. kamere, mikrofoni i megafoni i sl.). Također je zabranjena reprodukcija logotipa na travnatom dijelu terena za igru (korištenjem lasera i sl.).
- 19.14. Ukoliko se na stadionu za vrijeme odigravanja utakmice koristi sat koji pokazuje odigrano vrijeme utakmice, isti mora biti zaustavljen na kraju regularnog vremena igre svakog dijela igre, tj. nakon isteka 45. i 90. minuta igre.

Član 20.

- 20.01. Klub domaćin Prve ženske lige FBiH obavezan je vršiti snimanje svih domaćih utakmica.
- 20.02. Snimanje utakmica regulisano je posebnim uputstvom o snimanju utakmica izdatim od strane NS FBiH.
- 20.03. Klub domaćin Prve ženske lige FBiH obavezan je omogućiti snimanje utakmice zainteresiranom klubu-gostu pod prijetnjom disciplinskih sankcija, uz obaveznu najavu od strane gostujućeg kluba Komisiji za takmičenje NS FBiH i klubu domaćinu najkasnije 48 sati prije odigravanja utakmice.
- 20.04. Klub domaćin može utakmicu Prve ženske lige FBiH emitirati u direktnom prenosu putem TV kanala ili društvenih mreža uz prethodnu saglasnost Nogometnog saveza Federacije BiH.
- 20.05. Ukoliko klub gost utakmicu Prve ženske lige FBiH emitira u direktnom prenosu putem TV kanala ili društvenih mreža, klub je obavezan tražiti saglasnost Nogometnog saveza Federacije BiH i kluba domaćina. U suprotnom klub snosi disciplinske posljedice.
- 20.06. Klub je obavezan najavu direktnog prenosa utakmice putem TV kanala ili društvenih dostaviti u Sekretarijat NS FBiH najkasnije 48 sati prije odigravanja utakmice.

Član 21.

- 21.01. Za vrijeme odigravanja prvenstvenih utakmica u stadionu, pored terena za igru, u tehničkom prostoru moraju se nalaziti lica akreditovana od strane NS FBiH ili NS/FS BiH i koja ispunjavaju kriterije u postupku licenciranja za takmičenja Prve ženske lige Federacije BiH, i to:
1. Službeni predstavnik kluba,
 2. Glavni trener sa PRO, A, ili B trenerskom licencom. Svi treneri moraju biti registrirani u COMET informacioni sistem;
 3. Jedan ili dva pomoćna trenera sa PRO, A, B ili C UEFA trenerskom licencom, a koji moraju biti registrirani u COMET informacioni sistem;
 4. Igračice;
 5. Ljekar ili fizioterapeut kluba na domaćim utakmicama;
- 21.02. U slučaju nepoštivanja navedenih uslova klub snosi disciplinsku odgovornost.
- 21.03. Klubovi Prve ženske lige Federacije BiH obavezni su imati minimalno jednog glavnog ili pomoćnog trenera u tehničkom prostoru sa odgovarajućom UEFA licencom.
- 21.04. Predstavnik kluba, glavni trener ili pomoćni trener ne mogu biti ista osoba.
- 21.05. Osoba koja je u COMET informacionom sistemu registrirana kao igračica i kao trenerica, na istoj utakmici može obavljati samo jednu funkciju (igračica ili trenerica).
- 21.06. Predstavnik kluba, ljekar i fizioterapeut obavezni su posjedovati odgovarajuću takmičarsku akreditaciju koju izdaje NS FBiH.
- 21.07. Glavni treneri i treneri obavezni su posjedovati validnu UEFA licencu te ispuniti sve uslove za registraciju trenera u COMET informacioni sistem.

- 21.08. Validnost izdatih potrebnih dokumenata mogu kontrolisati samo subjekti koji su ih i izdali, a delegat na utakmici utvrđuje njihovo posjedovanje, odnosno identitet lica.
- 21.09. Osobe sa spiska prijavljenih lica koje nemaju odgovarajuću akreditaciju, ne mogu se nalaziti u tehničkom prostoru, osim zamjenskih igračica.
- 21.10. Na klupi kluba Prve ženske lige FBiH mogu sjediti glavni trener i treneri samo sa validnom trenerskom licencom a koji su registrirani putem COMET informacionog sistema.
- 21.11. UEFA trenerske licence moraju biti validne da bi isti bili registrirani u COMET informacioni sistem.
- 21.12. Takmičarske akreditacije službenog predstavnika, ljekara i fizioterapeuta kluba Prve ženske lige FBiH validne su ako su izdane od strane NS FBiH za takmičarsku sezonu 2025/2026.
- 21.13. Sva akreditirana/licencirana službena lica moraju biti unesena i evidentirana u COMET informacioni sistem sa adekvatnom fotografijom (treneri, predstavnici kluba, ljekari i fizioterapeuti), od strane administracije NS FBiH.

Član 22.

- 22.01. Za vrijeme odigravanja utakmica bez prisustva gledalaca, pored osoba iz člana 19. i 21. ovih Propozicija, mogu biti prisutni članovi uprava klubova, (maksimalno 20 osoba po klubu uz dostavljeni spisak), akreditovani novinari i fotoreporter, osobe iz administracije kluba-domaćina prema spisku sa imenima.
- 22.02. Članovi uprava klubova i osobe iz administracije kluba-domaćina obavezni su boraviti u VIP loži.

X - NASTUPANJE NA UTAKMICI

Član 23.

- 23.01. Klubovi su dužni nastupiti na svim utakmicama stalnog takmičenja koje su odlukama takmičarskog organa zakazane, predviđene ili odlukom sudije privremeno prekinute, bez obzira na okolnosti u kojima su se nalazili u vrijeme kada su obavješteni da nastupe, odnosno da nastave igranje utakmice.
- 23.02. Klub koji odbije da nastupi ili neodigra utakmicu iz odredbe 23.01. ovog člana, odgovoran je za učinjeni propust u takmičarskom i disciplinskom smislu.
- 23.03. Komisija za takmičenje NS FBiH u svim navedenim slučajevima iz ovog člana, takve utakmice registrovati će po službenoj dužnosti 3:0 (par forfe) u korist protivnika i podnijeti zahtjev disciplinskom organu za utvrđivanje disciplinske odgovornosti.

XI - NAJMANJI BROJ IGRAČICA U IGRI

Član 24.

- 24.01. Utakmica ne može da počne po Pravilima nogometne igre ako jedna od ekipa nema najmanje sedam igračica na terenu za igru, od kojih je jedan vratar i kapiten.
- 24.02. Igračice, koje nisu upisane do početka utakmice u zapisnik sa utakmice, ne mogu nastupiti na utakmici.
- 24.03. Ako jedna ekipa za vrijeme igre ostane sa manje od sedam igračica, sudija je dužan da zaustavi igru, a ako u roku od pet minuta klub ne nastupi s minimalnim brojem igračica, sudija je dužan da označi kraj utakmice.

Član 25.

- 25.01. Svaka ekipa u zapisnik sa utakmice prijavljuje maksimalno 20 igračica. Klubovi koji nemaju najmanje 14 igračica u zapisniku sa utakmice snosit će disciplinske sankcije.
- 25.02. U igri učestvuje 11 prijavljenih igračica, a tokom igre može se do pet zamjena u tri prekida (izmjene koje se vrše prije početka drugog dijela igre – u poluvremenu – ne računaju se kao prekid).
Ukoliko neka od ekipa izvrši do pet zamjena u više od tri prekida na utakmici snosit će takmičarske posljedice te će utakmica biti registrovana službenim rezultatom u korist protivnika.

Član 26.

- 26.01. Klubovi Prve ženske lige FBiH mogu sa igračicama zaključiti amaterske ugovore, koji moraju biti uneseni u COMET informacioni sistem i ovjereni od strane NS FBiH.

Član 27.

- 27.01. Ekipe na jednoj utakmici ne mogu igrati u istim ili sličnim bojama dresova. Ekipe su dužne usaglasiti boje opreme 72 sata prije zvaničnog termina odigravanja utakmice, u skladu sa prijavljenim osnovnim bojama.
- 27.02. U protivnom, dresove će promijeniti domaća (prvoimenovana) ekipa. Ukoliko jedna od ekipa ne poštuje prijavljene boje dresova, ista snosi disciplinsku odgovornost.

XII - PRAVO NASTUPA IGRAČICA

Član 28.

- 28.01. Na utakmicama Prve ženske lige FBiH mogu nastupiti igračice koje su stekle pravo igranja prema odredbama Pravilnika o registracijama klubova i igrača i statusu i transferu igrača NS/FS BiH ukoliko su navršile 16 godina života. Izuzetno, na prvenstvenim utakmicama mogu nastupiti i igračice koje su navršile 13 i 14 godina života sa specijalističkim liječničkim pregledom, s tim što najviše tri igračice sa 14 i tri igračice sa 13 godina mogu u isto vrijeme biti na terenu za igru. Specijalistički ljekarski pregled nadležni registracioni savez unosi u COMET informacioni sistem, na osnovu dokaza o obavljenom specijalističkom ljekarskom pregledu, dostavljenom od strane kluba, sa jasno naznačenim rokom trajanja istog, a kojim se proglašava sposobnim za nastupanje na utakmicama seniorskog uzrasta.
- 28.02. Pravo nastupa igračica stranih državljana regulisano je odredbama Pravilnika o registracijama klubova i igrača i statusu i transferu igrača NS/FS BiH. Klub može imati više registrovanih igračica stranih državljana, s tim što 4 (četiri) igračice strane državljanke mogu biti upisane u zapisnik sa utakmice i imaju pravo nastupa na jednoj utakmici. U suprotnom, klub snosi takmičarske i disciplinske posljedice.
- 28.03. Shodno odredbama Pravilnika o registracijama klubova i igrača i statusu i transferu igrača NS/FS BiH, u toku takmičarske sezone klub može po osnovu ustupanja registrirati najviše četiri igračice, s tim što najviše tri mogu nastupiti na jednoj utakmici. U suprotnom, klub snosi takmičarske i disciplinske posljedice.
- 28.04. Igračica strana državljanke kojoj istekne boravišna dozvola nema pravo nastupa, a ako nastupi takva igračica, klub snosi takmičarske i disciplinske posljedice.
- 28.05. Igračice sa dvojnim državljanstvom ne smatraju se stranim državljanima.

- 28.06. Ukoliko oba kluba naprave prekršaj iz gore navedenih stavova, a za koji se snose takmičarske posljedice, takva utakmica će biti registrovana kao odigrana, ali se neće uzeti u obzir ostvareni rezultat na istoj.

XIII - IDENTITET IGRAČICA

Član 29.

- 29.01. Na prvenstvenim utakmicama mogu nastupiti samo igračice čiji je identitet utvrđen putem fotografije iz COMET informacionog sistema, a u slučaju njenog nedostatka identitet će se utvrditi na osnovu javne isprave: lične karte ili pasoša, odnosno štampane ID COMET kartice. Igračici sa neadekvatnom pohranjenom fotografijom u COMET informacionom sistemu (kada je nemoguće utvrditi identitet), delegat utakmice neće dozvoliti nastup na utakmici.
- 29.02. Identitet se u pravilu utvrđuje prije početka utakmice.
- 29.03. Za igračice koje su zakasnile na početak utakmice, odnosno na početak drugog dijela, a upisani su u zapisnik sa utakmice, identitet se utvrđuje za vrijeme odmora između dva dijela igre i neposredno po završetku utakmice.

XIV - LJEKARSKI PREGLED I ČLANARINA

Član 30.

- 30.01. Svaka igračica koja nastupa u takmičenju mora u COMET informacioni sistem imati unesen period važenja ljekarskog pregleda i period za koji je uplaćena članarina. Obavljeni ljekarski pregled mora sadržavati obavezujuće elemente koje je propisala Komisija za sportsku medicinu NS FBiH.
- 30.02. Rok važnosti ljekarskog pregleda za igračice koji na dan izvršenog pregleda ima najmanje 17 (sedamnaest) i više godina života traje 6 (šest) mjeseci, a za mlađe igrače 4 (četiri) mjeseca.
- 30.03. Za igračicu koja nema upisan važeći ljekarski pregled u COMET informacioni sistem ili važeću potvrdu, delegat utakmice neće dozvoliti nastup na utakmici.
- 30.04. Za sva ostala pitanja u vezi sa ljekarskim pregledom igrača primjenjivat će se odredbe člana 56. Pravilnika o nogometnim takmičenjima NS/FS BiH.

XV – DELEGATICA/DELEGAT NA UTAKMICI

Član 31.

- 31.01. Delegaticu/delegata na utakmici određuje Komisija za takmičenje NS FBiH, sa usvojene liste delegatica Prve ženske lige FBiH za sezonu 2025/2026 ili sa liste delegata Prve i Druge lige Federacije BiH.
- 31.02. Delegatica/delegat zastupa Komisiju za takmičenje NS FBiH i ima vrhovni nadzor na utakmici.
- 31.03. Komisija za takmičenje NS FBiH donosi posebno Uputstvo o vršenju dužnosti delegata.
- 31.04. Delegatica/delegat i sudije su obavezni dostaviti dopunski izvještaj u roku od 24 sata po odigravanju utakmice, ukoliko je na utakmici došlo do incidenata, prekida utakmice kao i na zahtjev Komisije za takmičenje NS FBiH.

Član 32.

- 32.01. Delegatica/delegat je obavezan da 60 minuta prije početka utakmice održi radni sastanak (brifing) sa predstavnicima klubova i glavnim sucem utakmice.
Kašnjenje na radni sastanak – brifing povlači disciplinsku odgovornost.
- 32.02. Delegatica/delegat u roku od 24 sata nakon odigrane utakmice sačinjava izvještaj o utakmici putem COMET informacionog sistema, te sve dokumente pohranjuje u isti.
- 32.03. Delegatica/delegat u roku od 48 sati nakon odigrane utakmice sačinjava poseban izvještaj o suđenju, te isti dostavlja u Sekretarijat NS FBiH.

XVI – SUTKINJE/SUCI

Član 33.

- 33.01. Utakmice Prve ženske lige Federacije BiH mogu voditi sutkinje sa liste sutkinja Prve ženske lige FBiH čije određivanje vrši Komisija za suce i suđenje NS FBiH, u skladu sa odlukom Izvršnog odbora NS FBiH.
Izuzetno, utakmice Prve ženske lige Federacije BiH mogu suditi sutkinje sa višeg ranga ili suci sa liste Prve i Druge lige FBiH, kao i perspektivni suci kantonalne/županijske lige.
- 33.02. Na utakmicama Prve ženske lige FBiH može se odrediti 4. sudac/sutkinja.

Član 34.

- 34.01. Komisija za suce i suđenje NS Federacije BiH može na utakmice, za koje procijeni da bitno utiču na položaj na tablici i utakmice koje odlučuju o plasmanu može odrediti i posmatrača suđenja sa liste Prve ili Druge lige Federacije BiH.

Član 35.

- 35.01. Sudija utakmice je dužan da prije početka utakmice pregleda i odluči da li je teren podoban za igru.
- 35.02. Ako sudija utvrdi u prisustvu dva kapitena ekipa da je teren nepodoban za igru, utakmica se neće igrati, a sudija će sačiniti poseban izvještaj o nepodobnosti terena za igru.
- 35.03. Sudija je dužan da nakon utakmice u svom izvještaju navede podatke koje se odnose na postignute pogotke, zamijenjene, opomenute i isključene igračiće, a prema potrebi i druge podatke, ako se radi o prekidu utakmice, neredu, tuči, uključujući eventualne prijave i sl.

Član 36.

- 36.01. Za utakmice Prve ženske lige Federacije BiH može biti određen i supervizor, a određuje ga predsjednik NS FBiH u saradnji sa dopredsjednikom NS FBiH.

XVII - ZAPISNIK SA UTAKMICE

Član 37.

- 37.01. Delegatica/delegat sastavlja zapisnik sa utakmice. Zapisnik sa utakmice se popunjava elektronski, u COMET sistemu. Klubovi su dužni prije početka utakmice dostaviti ovjeren i potpisan spisak igračić i službenika svoje ekipe na propisanom obrascu.
- 37.02. Po završetku utakmice zapisnik sa utakmice sastavljen putem COMET sistema, savjetavaju delegat i sudija, nakon čega delegat zaključi izvještaj fair playa, a sudija utakmice svojom šifrom zaključuje zapisnik sa odigrane utakmice.
- 37.03. Delegat/delegatica i glavni sudija/sutkinja odgovorni su za tačnost podataka u zapisniku.

XVIII - REGISTRACIJA UTAKMICA

Član 38.

- 38.01. Ako na utakmicu nije uložena žalba, a ne postoje uslovi za registraciju po službenoj dužnosti, utakmicu Komisija za takmičenje NS FBiH registruje postignutim rezultatom.
- 38.02. Ako je prvostepena odluka pravosnažna, ili je donijeta drugostepena odluka koja je konačna, jednom registrovana utakmica ne može biti poništena, izuzev u postupku zaštite zakonitosti Pravilnika o nogometnim takmičenjima NS/FS BiH.
- 38.03. Komisija za takmičenje NS FBiH vrši analizu i registraciju odigranih utakmica na prvom narednom sastanku.
- 38.04. Izuzetno, Komisija za takmičenje NS FBiH registraciju odigranih utakmica može izvršiti putem e-maila ili telefona. Verifikaciju registrovanih utakmica vrši Komisija za takmičenje NS FBiH na prvoj narednoj sjednici.
- 38.05. Ako je na utakmicu uložena žalba, rok za registraciju utakmice se produžava do konačne odluke.

XIX - ŽALBE

Član 39.

- 39.01. Žalbe se po svim osnovama moraju najaviti 24 sata nakon odigrane utakmice elektronskim putem, telegramske ili e-mailom koji ima automatski ispis datuma i vremena o najavi žalbe.
- 39.02. Žalba sa pismenim obrazloženjem sa dokazom o uplaćenju taksu mora se dostaviti u NS Federacije BiH u roku od 48 sati po odigranoj utakmici.
- 39.03. Ukoliko rok za ulaganje žalbe ili najava žalbe ističe u nedjelju ili na državni praznik, rok za ulaganje žalbe se produžava za prvi naredni radni dan.
- 39.04. Žalba se dostavlja putem Sekretarijata NS FBiH, Komisiji za takmičenje NS FBiH.
- 39.05. Uz žalbu se dostavlja dokaz o uplaćenju taksu u skladu sa odlukom IO NS FBiH.

Član 40.

- 40.01. Nenajavljene, neblagovremene i žalbe koje nisu uredno taksirane neće biti uzete u razmatranje, već će biti odbačene, a utakmica će se registrovati postignutim rezultatom.
- 40.02. Odluke po uložnim žalbama će biti donijete u roku od osam dana od dana prijema žalbe, a izuzetno taj rok može biti i produžen.
- 40.03. Pri ocjeni pravovremenosti i validnosti najave žalbe i žalbe uzima se u obzir datum poslanog e-maila, poštanski žig preporučene pisma ili telegrama, datum na faksu kao potvrdu o žalbi te datum na novčanoj uplatnici.

Član 41.

- 41.01. Žalbe u prvom stepenu rješava Komisija za takmičenje NS FBiH.

Član 42.

- 42.01. Žalbe u drugom stepenu rješava Apelaciona komisija NS FBiH
- 42.02. Žalbe na odluke Komisije za takmičenje NS FBiH podnose se Apelacionoj komisiji NS FBiH, u roku od osam (8) dana od dana prijema odluke prvostepenog organa.
- 42.03. Za utakmice posljednja dva kola rok za podnošenje žalbe drugostepenom organu je tri dana.

- 42.04. Odluke o podnijetim žalbama na odluke Komisije za takmičenje NS FBiH donose se u razumnom roku.
- 42.05. Žalbe na odluke Disciplinske komisije NS FBiH podnose se Apelacionoj komisiji NS FBiH, u roku od osam (8) dana od dana prijema odluke prvostepenog organa.
- 42.06. Protiv odluke Apelacione komisije ne može se uložiti žalba.

Član 43.

- 43.01. U interesu regularnosti takmičenja, organ koji donosi odluke može utvrditi i skraćeni žalbeni postupak.

XX - DISCIPLINSKE SANKCIJE

Član 44.

- 44.01. O disciplinskim prekršajima klubova, igrača, članova stručnog i tehničkog rukovodstva i funkcionera klubova i službenih lica na utakmici koji učestvuju u takmičenju, odlučuje se na osnovu Disciplinskog pravilnika NS/FS BiH i odluke Izvršnog odbora NS FBiH broj 1545/25 od 04.07.2025. godine.

XXI - UTVRĐIVANJE PLASMANA

Član 45.

- 45.01. Plasman klubova na tabeli utvrđuje se prema odredbama člana 43. Pravilnika o nogometnim/fudbalskim takmičenjima NS/FS BiH.
- 45.02. Shodno odlukama IFAB-a gol u gostima se ne računa dvostruko;
- 45.03. Prvak Prve ženske lige Federacije BiH na kraju takmičarske sezone 2025/2026 prelazi u viši rang- žensku Premijer ligu BiH.

XXII - POPUNJAVANJE LIGE

Član 46.

- 46.01. Prvu žensku ligu Federacije BiH u takmičarskoj sezoni 2026/2027 mogu popuniti novoformirani klubovi, uz izpunjavanje svih propisanih uslova.
- 46.02. U slučaju prijave većeg broja novoformiranih klubova, Izvršni odbor NS FBiH može donijeti odluku o formiranju Prve i Druge ženske lige Federacije BiH.

XXIII - FINANSIJSKE ODREDBE

Član 47.

- 47.01. Prihodi sa prvenstvenih utakmica pripadaju klubu domaćinu.

Član 48.

- 48.01. Službenim licima na utakmici pripada odgovarajuća naknada, koja uključuje taksu, dnevnicu i putne troškove, u skladu sa Pravilnikom o o dnevnicama, putnim troškovima, taksama, članarinama i drugim naknadama NS FBiH.
- 48.02. Sve isplate vrše se poslije odigravanja utakmica, najkasnije 24 sata po odigranoj utakmici, obavezno na žiro račune službenih osoba.

- 48.03. Ukoliko klub ne isplati službena lica ili ih djelomično isplati, klubu se ostavlja dodatni rok od 24 sata da izmiri troškove, nakon čega se podnosi prijava za pokretanje disciplinskog postupka protiv kluba.
- 48.04. Klub je dužan validan dokaz o isplati naknada za službena lica, dostaviti delegatu na brifingu prije početka prve naredne utakmice.
- 48.05. Delegat je dužan na brifingu, sat i pol prije početka utakmice, izvršiti provjeru da li je klub isplatio pripadajuće naknade svakom službenom licu pojedinačno što se odnosi na prethodnu utakmicu.

Član 49.

- 49.01. Izvršni odbor NS Federacije BiH prije početka prvenstva donosi odluku o visini troškova takmičenja. Kotizacija za takmičenje se utvrđuje za cijelu takmičarsku sezonu.
- 49.02. Neizvršenje obaveza povlači disciplinske posljedice u skladu sa odredbama Disciplinskog pravilnika NS/FS BiH.

XXIV - NAGRADE

Član 50.

- 50.01. Nogometni savez Federacije BiH prvoplasiranoj ekipi Prve ženske lige FBiH dodjeljuje pehar u trajno vlasništvo.
- 50.02. Igračicama, tehničkom i stručnom rukovodstvu prvoplasiranog kluba dodjeljuje se 30 medalja.

XXV - ZAVRŠNE ODREDBE

Član 51.

- 51.01. Za sve što nije predviđeno ovim Propozicijama, važe odredbe Pravilnika o nogometnim takmičenjima NS/FS BiH, Pravila nogometne igre i drugih propisa NS FBiH, NS/FS BiH, FIFA-e i UEFA-e.

Član 52.

- 52.01. Propozicije stupaju na snagu danom objavljivanja na web stranici Saveza, a primjenjuju se za takmičarsku sezonu 2025/2026.

P R E D S J E D N I K

Muris Jabandžić

**NOGOMENI SAVEZ FEDERACIJE BiH
KOMISIJA ZA TAKMIČENJE NS FBiH**

**U P U T S T V O
o snimanju utakmica Prve ženske lige FBiH**

I CILJ UTVRĐIVANJA UPUTSTVA O SNIMANJU

U cilju postizanja potpune regularnosti takmičenja u organizaciji Nogometnog saveza Federacije BiH i omogućavanja uvida od strane takmičarskih organa u kvalitetan video-zapis cijelog toka utakmica i svih momenata od važnosti za takmičenje, Komisija za takmičenje je donijela uputstvo o načinu snimanja utakmica Prve ženske lige FBiH te ostale radnje vezano za snimanje i dostavljanje video-zapisa utakmica nadležnom organu i savezu .

II EVIDENTIRANJE I UPOZNAVANJE SNIMATELJA O UPUTSTVU

Službeni predstavnik kluba domaćina dužan je najkasnije 30 minuta prije utakmice izvršiti neposrednu prijavu pravovremenog dolaska snimatelja kod delegata utakmice, sa evidentiranjem osobnih podataka snimatelja.

Klub domaćin obavezan je snimatelju svake utakmice uručiti uputstvo NS FBiH o načinu snimanja utakmica.

Službeni predstavnik kluba domaćina i snimatelj obavezni su neposredno upoznati delegata o vrsti kamere, vrsti DVD-a, postojanju postolja za kameru, dovoljnom broju DVD-ova kako bi bio snimljen cijeli tok utakmice i ostalo vezano za utakmicu prema ovom uputstvu.

Delegat će usmeno upozoriti snimatelja na obaveze i uputstvo o snimanju.

III POZICIJA ZA SNIMANJE

Klub domaćin obavezan je obezbijediti mjesto za snimanje utakmica na uzvišenom mjestu minimalne visine 3,0 metra, na poziciji središnje crte igrališta kako bi se kvalitetno snimala cijela površina terena za igru i cijeli tok utakmice.

Pozicija za snimanje mora biti bezbjedna i ispravna sačinjena od čvrstog materijala, natkrivena i zaštićena od kiše, vjetra i ostalih nepogoda.

Snimatelj za vrijeme snimanja utakmice ne smije biti ometan od strane gledalaca, predstavnika klubova i drugih.

IV NAČIN SNIMANJA UTAKMICA

Snimatelj utakmice obavezan je na kvalitetan način snimiti:

- a) Cijeli tok prvog dijela igre i izlazak igračica i službenih lica sa terena za igru u svlačionice, sve do ulaska u iste;
- b) Cijeli tok drugog dijela igre i izlazak igračica i službenih lica sa terena za igru u svlačionice, sve do ulaska u iste nakon završetka utakmice;
- c) Na kvalitetan način snimiti svaki prekid i mogući incident, uz obavezu da snimi i zumira tačno mjesto dešavanja sporne situacije ili incidenta i sva dešavanja u tom slučaju;
- d) Nije dozvoljeno prekidanje snimanja za vrijeme utakmice, odnosno kako je to navedeno u tačkama: a), b) i c);
- e) Ispravno snimiti sva dešavanja ili moguće incidente u vezi sa službenim licima utakmice;
- f) Svaki mogući incident ili sporni momenat potrebno je snimiti sa zumiranjem.

V VRSTA KAMERE I VIDEO DISKA (VIDEO-MATERIJALA)

Utakmica mora biti snimana sa stabilnog postolja kako bi se postigla stabilnost i kvalitet snimka utakmice.

Utakmica mora biti snimana sa kvalitetnom digitalnom kamerom koja zadovoljava potrebe snimanja na udaljenosti dimenzija nogometnog igrališta i na otvorenom prostoru uz moguće vremenske nepogode za vrijeme utakmice (kiša, snijeg, vjetar itd).

Utakmice je potrebno snimati digitalnom tehnikom uz korištenje digitalnog video diska (DVD)

Snimak utakmice se uručuje delegatu na DVD-u.

Za snimanje nije dozvoljena upotreba prethodno korištenih ili neispravnih DVD-ova.

VI UPOZNAVANJE SNIMATELJA O UPUTSTVU

Klub domaćin dužan je svakom snimatelju utakmice pravovremeno uručiti ovo uputstvo o snimanju, a snimatelj se obavezuje na striktnu primjenu uputstva o načinu snimanja utakmice.

VII DOSTAVLJANJE VIDEO MATERIJALA DELEGATU UTAKMICE

Službeni predstavnik kluba domaćina obavezan je odmah nakon završetka utakmice, originalni snimak u zapečaćenoj koverti uručiti delegatu utakmice.

Delegat utakmice službenim putem, DVD u zapečaćenoj koverti i ostavljenom roku dostavlja u NS Federacije BiH.

Klub domaćin snimak utakmice može dostaviti i putem linka u Sekretarijat NS FBiH, najkasnije 48 sati po odigravanju utakmice

VIII PROPUSTI U SNIMANJU I DOSTAVLJANJU VIDEO-MATERIJALA

Klub koji je prema propisima obavezan, a ne snimi utakmicu, ili koji gostujućem klubu ne dozvoli snimanje utakmice, klub koji snimi ali u propisanom roku ne dostavi nadležnom organu saveza ispravan video-materijal sa utakmice ili ga dostavi u neispravnom ili neupotrebljivom stanju ili na način koji je suprotan ovom uputstvu o snimanju, snosit će sankcije u skladu sa Disciplinskim pravilnikom NS/FS BiH i odlukom IO NS FBiH.

KOMISIJA ZA TAKMIČENJE
NS FEDERACIJE BiH

NOGOMETNI SAVEZ FEDERACIJE BIH
KLUBOVIMA PRVE ŽENSKE LIGE FEDERACIJE BIH
(Aneks Propozicija takmičenja za takmičarsku 2025/2026)

ANEKS – MINIMUM MEDICINSKIH ZAHTJEVA ZA TRETMAN IGRAČICA, STRUČNOG ŠTABA TIMA I SUDIJSKOG TIMA

Ovaj dokument detaljno specificira minimum medicinskih zahtjeva za takmičenje u Prvoj ženskoj ligi Federacije BiH u smislu usluga koje treba osigurati klub domaćin za tretman igrača, stručnog štaba tima i sudijskog tima. Konkretni zahtjevi za svako takmičenje specificirani su u svakom odjeljku.

1. Ljekarsko osoblje

Zahtjevi važe za dan igranja utakmice u Prvoj ženskoj ligi FBiH

Klub domaćin odgovoran je za obezbjeđenje jednog ljekara obučenog za hitnu medicinsku pomoć koji će biti prisutan uz ivicu terena najmanje od trenutka dolaska timova na stadion i do njihovog odlaska. Tu ulogu može vršiti ljekar domaćeg tima, pod uslovom:

- da je ljekar tima obučen i kvalifikovan za hitnu prvu ljekarsku pomoć i tehnike pružanja pomoći;
- da je imenovan neki drugi dužnosnik iz kluba domaćina za olakšavanje hitne medicinske evakuacije sa stadiona bez odlaganja.

1 x ljekar za hitnu medicinsku pomoć uz teren za igru:

- Vršiti ulogu medicinskog koordinatora za stadion izuzev ako je obezbijeđen i specifični medicinski koordinator.
- Odgovoran za osiguranje potrebne medicinske opreme uz ivicu terena specificirane.
- Odgovoran samo za tretman igrača, stručnog štaba tima, sudijskog tima i oficira utakmice.

1 x ekipa za nosila (s nosilima od lesonita i najmanje dva obučena nosača (kvalifikacija u pružanju prve pomoći/iskustvo u nošenju pacijenata na nosilima).

KOMISIJA ZA SPORTSKU MEDICINU
NS FEDERACIJE BIH

**NOGOMETNI SAVEZ FEDERACIJE BiH
KOMISIJA ZA SPORTSKU MEDICINU NS FBiH**

Na osnovu člana 21. Pravilnika o radu Komisija Izvršnog odbora i pravnih tijela Nogometnog saveza Federacije Bosne i Hercegovine, Komisija za sportsku medicinu NS FBiH donosi s l j e d e ć u

O D L U K U
o obavezujućim elementima za ljekarski pregled igračica

Član 1.

Ljekarski pregled igračica mora sadržavati sljedeće minimalne obavezujuće elemente:

- a) Internistički pregled ili pedijatrijski pregled (za igračice do 16 godina), koji obavezno treba sadržavati: EKG analizu u skladu sa UEFA propisima i osnovnu laboratorijsku obradu,**
- b) Oftalmološki pregled,**
- c) Stomatološki pregled,**
- d) Ostale testove i analize prema indikaciji.**

Član 2.

Ova Odluka stupa na snagu danom objavljivanja u Službenom glasniku NS FBiH.

O b r a z l o ž e n j e

Komisija za sportsku medicinu NS FBiH je razmatrao odredbe člana 30. Propozicija takmičenja Prve ženske lige Federacije BiH.

Istim članom predviđa se obaveza da svaka igračica, koji nastupa u takmičenju Prve ženske lige FBiH, obavezno mora imati upisan nalaz o izvršenom ljekarskom pregledu koji sadrži ocjenu o zdravstvenoj sposobnosti u COMET informacionom sistemu.

Član 30.01. Propozicija takmičenja predviđa i spisak obavezujućih elemenata a za čije donošenje propisuje nadležnost Komisije za sportsku medicinu NS FBiH.

Shodno prednje navedenom, a kako bi se u u potpunosti ispoštovala odredba ovog člana, te precizirala i pojednostavila njegova primjena u praksi, Komisija za sportsku medicinu NS FBiH donijela je odluku kao u dispozitivu.

P R E D S J E D N I K
KOMISIJE ZA SPORTSKU MEDICINU